



Broj: 18/01-1-34-7248-2 /17

Zenica: 02.06.2017.godine

Na osnovu člana 200. stav 1. Zakona o upravnom postupku ("Službene novine Federacije BiH", broj: 2/98 i 48/09), a u vezi sa članom 14. stav 3. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj: 32/01 i 48/11), rješavajući po zahtjevu Školegijum M.Tita 19/3 Sarajevo u predmetu za pristup informaciji – zapisniku, službenik za informisanje Kantonalne uprave za inspeksijske poslove d o n o s i :

R J E Š E N J E

Odobrava se Školegijum. M. Tita 19/3, Sarajevo pristup informaciji koja je tražena zahtjevom od 10.05.2017. godine -zapisniku o inspeksijskom nadzoru broj: 18-24-00019/17-15-10-P-15-10-P-10-001-P od 2.03.2017. godine, i zapisniku o inspeksijskom nadzoru broj: 18-24-02357/17-15-10-003-P od 11.05.2017. godine bez naknade.

Utvrdjuje se izuzetak od saopštavanja informacije-ličnih podataka odgovornog lica u privrednom društvu Alba doo Zenica (ime i prezime, ime oca, JMBG i godina rođenja), koje su sadržane na prvoj stranici zapisnika.

O b r a z l o ž e n j e

Dana 10.05.2017. godine, Školegijum. M. Tita 19/3, Sarajevo uputilo je zahtjev za pristup informacijama „izvještaj o radu skloništa za pse u Zenici u Stranjanima, ako je u protekla dva mjeseca kantonalna veterinarska inspekcija obavljala nadzor nad azilom za pse“.U dopisu navode da će tražene informacije koristiti za pripremu izvještaja o istraživačkom novinarstvu koji daci i nastavnici mogu koristiti na časovima odjeljenjskih zajednica a koji se kreira u okviru lista za školsku praksu, Školegijum koji finansijski podržava Fond otvoreno društvo BiH. Dana 30.05.2017. godine upućen je dopis u kome se traži da se izvrši preciziranje zahtjeva za pristup informacijama na način da preciziraju zahtjev koju informaciju traže pošto kantonalna veterinarska inspekcija ne podnosi izvještaje o radu skloništa za pse odnosno nema tu zakonsku obavezu. Dana 01.06. 2017. godine podnosilac je precizirao zahtjev za pristup informacijama navodeći da se traži pristup zapisnicima o radu skloništa u Zenici u Stranjanima, koji nisu stariji od 01.03.2017. godine.

U provedenom postupku je utvrđeno da je zahtjev za pristup informaciji, podnesen u skladu sa članom 11. Zakona o slobodi pristupa informacijama u Federaciji Bosne i Hercegovine, te da je podnesen nadležnom organu koji posjeduje traženu informaciju.

Članom 3. stav 1. tačka 1) Zakona o slobodi pristupa informacijama u Federaciji Bosne i Hercegovine, propisano je da je „informacija“: „svaki materijal kojim se prenose činjenice, mišljenja, podaci ili bilo koji drugi sadržaj, uključujući svaku kopiju ili njen dio, bez obzira na oblik, karakteristike, vrijeme kada je sačinjena i kako je klasifikovana“.

U provedenom postupku izvršen je uvid u zapisnik o inspeksijskom nadzoru broj: 18-24-00019/17-15-10-P-15-10-P-10-001-P od 2.03.2017. godine, i zapisnik o inspeksijskom nadzoru broj: 18-24-02357/17-15-10-003-P od 11.05.2017. godine

Uvidom u navedene zapisnike o inspeksijskom nadzoru, nesporno je utvrđeno da navedene informacije na prvoj stranici sadrže lične podatke odgovornog lica u privrednom društvu Alba doo Zenica, te da predstavljaju izuzetak od saopštavanja propisan članom 8. Zakona o slobodi pristupa informacijama u Federaciji Bosne i Hercegovine, zbog toga što uključuju lične interese koji se odnose na privatnost treće osobe, te priopćavanje informacije nije u javnom interesu.

Prema članu 3. stav (1) Zakona o zaštiti ličnih podataka („Sl. glasnik BiH“, broj: 49/06, 76/11) „lični podatak“ je: „bilo koja informacija koja se odnosi na fizičko lice koje je identificirano ili se može utvrditi identitet lica“, a „nosilac podataka“ je: „fizičko lice čiji se identitet može ustanoviti ili identifikovati, neposredno ili posredno, naročito na osnovu jedinstvenog matičnog broja te jednog ili više faktora karakterističnih za fizički, fiziološki, mentalni, ekonomski, kulturni ili socijalni identitet tog lica“.

Imajući u vidu navedeno u skladu sa članom 10. navedenog Zakona, izvršeno je razdvajanje informacije na dijelove, prikrivanjem navedenih ličnih podataka, koji se nalaze na prvoj strani zapisnika, radi priopćavanja ostatka informacije podnosiocu zahtjeva. Prilikom razdvajanja informacije na dijelove nesporno je utvrđeno da ostatak informacije koji se priopćava podnosiocu zahtjeva nije postao nerazumljiv.

Članom 16. stav 1. Zakona o slobodi pristupa informacija u Federaciji Bosne i Hercegovine, propisano je: „Javni organ ne naplaćuje naknadu ili taksu za podnesene zahtjeve, rješenja ili obavještenja u smislu ovog zakona. Cijena se određuje samo za troškove umnožavanja, a utvrđuje se u skladu sa Uputstvom koje u smislu ovog zakona donosi federalni ministar pravde.“, a prema istom u članu stav 2. propisano je: „Za standardnu veličinu fotokopija prvih deset stranica troškovi se ne naplaćuju.“

Kopija tražene informacije sadrži 4 stranice, te se shodno članu 16. stav 2. Zakona o slobodi pristupa informacijama u Federaciji Bosne i Hercegovine, podnosiocu zahtjeva ustupa bez naknade.

Imajući u vidu navedeno, odlučeno je kao u dispozitivu rješenja.

Pouka o pravnom lijeku:

Protiv ovog rješenja može se izjaviti prigovor direktoru Kantonalne uprave za inspeksijske poslove Zeničko-dobojskog kantona, posredstvom ovog organa, u roku od osam (8) dana od dana prijema istog.

UPUTA O PRAVU:

Shodno članu 18. Zakona o ombudsmanu za ljudska prava Bosne i Hercegovine, podnosilac zahtjeva se poučava o pravu obraćanja Ombudsmanu za ljudska prava Bosne i Hercegovine, Grbavička br. 4. Sarajevo.

Voditelj postupka, po ovlaštenju:
Šemsudin Muhić

Dostavljeno:
☒ x podnosiocu zahtjeva
☐ x spis

Službenik za informisanje, po ovlaštenju:

Šemsudin Muhić, dipl. pravnik





Broj: 18-24-00019/17-15-10-P-15-10-001-P

ZAPISNIK O INSPEKCIJSKOM NADZORU

Započet dana 22.3.2017 godine u 10:30 sati, u mjestu ZENICA

SUBJEKAT NADZORA

☒

PRAVNO LICE

☐

FIZIČKO LICE

Naziv subjekta (fizičkog / pravnog lica):

ALBA ZENICA DOO ZENICA

Adresa sjedišta - mjesto, ulica i broj (fizičkog / pravnog lica):

SARAJEVSKA BB, 72000 ZENICA

Naziv objekta nadzora (fizičkog / pravnog lica):

ALBA ZENICA DOO ZENICA

Adresa objekta - mjesto, ulica i broj (fizičkog / pravnog lica):

BARE BB.-STRANJANI 72000 ZENICA

ID (fizičkog / pravnog lica):

4 2 1 8 1 3 1 1 7 0 0 9

Prezime i ime (fizičkog /
odgovornog lica u pravnom licu):

Ime roditelja:
Djevojačko
prezime:

JMBG (za strance - broj pasoša):

Pol: ☒ Muški

Rođen (datum, mjesto i država):

☐ Ženski

Adresa prebivališta - mjesto, ulica i broj, opština i poštanski broj (fizičkog / odgovornog lica u pravnom licu):

PREDMET NADZORA

Inspekcijska kontrola skloništa i higijenskog servisa za napuštene
životinje "Alba" d.o.o. Bare bb, Stranjani Zenica 15-10 Emir

VRSTA NADZORA

☒

Redovni

☐

Po zahtjevu stranke

☐

Kontrolni

☐

Obavezni (po zakonu)

☐

Timski / Mješoviti

NADZORU PRISUTNI

1. Emir Music, Kantonalni veterinarski inspektor
2. Vladimir Nikolić, Kantonalni veterinarski inspektor
3. Izet Mehmedović, Kantonalni veterinarski inspektor
4. Ishad Kavaz, upravnik skloništa
5. Edvin Bektaš DVM, Vet. Stanica Weta d.o.o. Zenica

NALAZ INSPEKCIJSKOG NADZORA:

Subjekt nadzora posjeduje i u momentu kontrole prikazuje Rješenje o izmjenama podataka izdato od strane Općinskog suda u Zenici pod brojem: 043-0-Reg-16-000595 od 06.07.2017. kojim se vrši ispravka prethodnog rješenja Općinskog suda u Zenici broj: 043-0-Reg-16-000543 od 07.06.2016. godine u pogledu naziva društva. Djelatnost subjekta upisa- u unutrašnjem prometu pod šifrom 47.76 je "Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijaliziranim prodavnicama".

Subjekt nadzora posjeduje i u momentu kontrole prikazuje Rješenje o odobravanju Društvu za uklanjanje otpada i reciklažu "Alba Zenica" d.o.o. Zenica za formiranje Skloništa za napuštene životinje na adresi Bare bb Stranjani broj: 07-23-123/17 od 17.01.2017. godine izdato od strane Službe za komunalne poslove i ekologiju Grad Zenica.

Subjekt nadzora posjeduje i u momentu kontrole je prikazao i Rješenje o odobravanju za formiranje Higijenskog servisa broj: 07-23-122/17 od 17.01.2017. godine izdato od strane Službe za komunalne poslove i ekologiju Grad Zenica.

Inspeksijskom kontrolom Skloništa za napuštene životinje zatečeno je sljedeće činjenično stanje: na pomenutoj adresi objekta Bare bb. na ulazu u objekat postavljena je tabla sa podacima o skloništu za životinje i higijenskom servisu unutar njega. Na tabli je napisan naziv preduzeća kao i broj telefona i e.mail adresa kao i lokacija skloništa. Na tabli nedostaje oznaka radnog vremena skloništa. Na ulazu u krug objekta postoji upravna zgrada u kojoj se nalaze predviđeni prostori za osoblje, svlačionica za presvlačenje osoblja, prostorija za smještaj dezinfekcionih sredstava, prosotrija predviđena za karantin, prostorija za veterinaru u nadzoru, prijemna ambulanta za trijažu primljenih životinja, i toalet za osoblje skloništa i sve prosotrije se zaključavaju. Prostorija za karantin u momentu kontrole je bila prazna a po izjavi upravnika skloništa psi koji su tek primljeni u azilu smješteni su u kavezima postavljenim oko upravne zgrade. Kao razlog navodi slabo provjetravanje prostorije predviđene za karantin. U samom krugu skloništa u momentu kontrole primjećeni su psi koji se slobodno kreću u krugu bez pratnje osoblja skloništa. Po izjavi upravnika ti psi su "domaći" koje osoblje uvede u sklonište a inače se nalaze u okolini kruga skloništa.

U objektu u kojem se nalaze boksovi za smještaj životinja postoji 26 boksova koji se sastoje iz zatvorenog i otvorenog djela koji je ograđen željeznom mrežom. Na ulazu u objekat postoji prostorija u kojoj se skladišti hrana za pse i vrši pranje posuda i pripremanje hrane za pse. Na sredini objekta nalazi se prostor sa priključkom za vodu i dvije kade za kupanje pasa. Objekat se zagrijava po potrebi sa kaloriferima na struju.

Unutar kruga primjećen je i improvizirani prostor napravljen od drvenih paleta u kojem su zatečena štenad starosti od 3-4 mjeseca (20 komada).

Voda unutar objekta koristi se sa vlastitog bazena koji se napaja sa lokalnog izvorišta koji se nalazi u blizini kruga skloništa.

Struja u objektu obezbjeđena je sa lokalne mreže a zagrijavanje objekta vrši se kaloriferima i konvektorima.

Veterinarski nadzor u objektu vrši Veterinarska stanica "Weta" d.o.o. Željeznička br. 8 Zenica što je vidljivo iz Ugovora o pružanju i korištenju veterinarskih i drugih usluga za potrebe pravilnog ostvarivanja funkcije skloništa za životinje br: 01-45/17 od 13.01.2017. godine.

Unutar objekta vodi se interna evidencija primljenih poziva od strane građana za izlazak na teren, postoji i interni "karton psa" sa podacima za pse koji su dovedeni u sklonište. Također prikazane su i Izjave u udomljavanju životinja ali evidencija i broj udomljenih životinja ne postoji. Također kompletirane knjige evidencija propisane Pravilnikom, o prijemu pasa, sterilizaciji pasa, eutanaziji, mikročipiranju ne postoje u objektu. Sve evidencije su internog karaktera i ne posjeduju relevantne i tačne podatke. Evidencije o eventualnom liječenju pasa unutar skloništa su također internog karaktera i ne vode se na propisan način. Unutar objekta po izjavi upravnika skloništa trenutno se nalazi cca. 87 pasa raznih pasmina, starosnih skupina i spolova. Prema izjavi upravnika skloništa nije bilo vraćanja pasa na mjesta odakle su kupljeni.

Po izjavi upravnika skloništa životinje se u okviru higijenskog servisa prikupljaju vozilom marke Fiat

Doblo sive boje reg. oznaka J75-M-754 (teretno vozilo-caddy) u koji ubacuju kaveze u koje smještaju pse a koje nije zatečeno u krugu objekta.

Leševe uginulih životinja odvoze u spalionicu otpada koju posjeduju unutar preduzeća.

Posjete unutar objekta po izjavi upravnika dozvoljene su uz telefonsku najavu u terminima koje dozvoli uprava skloništa. Također obavještanje zainteresovanih vrši se i putem oficijelne web stranice preduzeća.

Unutar skloništa su uposleni 3 (tri) osobe zadužene za hvatanje životinja, i 5 (pet) osoba uposlenih za obavljanje poslova unutar skloništa (obezbjedivanje, hranjenje, čišćenje).





Nalaže se prisutnom upravniku skloništa da o sadržaju zapisnika obavijesti odgovorno lice. Eventualne primjedbe na sadržaj zapisnika odgovorno lice će uputiti ovoj inspekciji u roku od dva (2) dana po prijemu zapisnika.

Zapisnik je pročitan i na isti nema primjedbi.

Potpis stranke


KARIĆ DAMON

Potpis prisutnih

1. 
2. 
3. 
4. 
5. 

M.P.

Potpis inspektora


Emir Music
Kantonalni veterinarski
inspektor

Inspeksijski nadzor je završen dana **22.3.2017** godine u **13:54** sati.

Zapisnik je sastavljen u 3 primjerka od kojih je jedan uručen stranci lično.



Broj: 18-24-02357/17-15-10-003-P

ZAPISNIK
O INSPEKCIJSKOM NADZORU

Započet dana 11.5.2017 godine u 10:00 sati, u mjestu ZENICA	
SUBJEKAT NADZORA	☒ PRAVNO LICE ☐ FIZIČKO LICE
Naziv subjekta (fizičkog / pravnog lica): ALBA ZENICA DOO ZENICA	
Adresa sjedišta - mjesto, ulica i broj (fizičkog / pravnog lica): SARAJEVSKA BB, 72000 ZENICA	
Naziv objekta nadzora (fizičkog / pravnog lica): ALBA ZENICA DOO ZENICA	
Adresa objekta - mjesto, ulica i broj (fizičkog / pravnog lica): SARAJEVSKA BB, 72000 ZENICA	
ID (fizičkog / pravnog lica):	4 2 1 8 1 3 1 1 7 0 0 9
Prezime i ime (fizičkog / odgovornog lica u pravnom licu):	Ime roditelja: Djevojačko prezime:
JMBG (za strance - broj pasoša):	Pol: ☒ Muški ☐ Ženski
Rođen (datum, mjesto i država):	
Adresa prebivališta - mjesto, ulica i broj, opština i poštanski broj (fizičkog / odgovornog lica u pravnom licu):	
PREDMET NADZORA	Inspeksijska kontrola skloništa i higijenskog servisa za napuštene životinje "Alba" d.o.o. Bare bb, Stranjani Zenica 15-10 Emir
VRSTA NADZORA	NADZORU PRISUTNI
☐ Redovni	1. Emir Music, Kantonalni veterinarski inspektor
☐ Po zahtjevu stranke	2. Ishad Kavaz, upravnik skloništa
☒ Kontrolni	3. Edvin Bektaš, dr.vet.med.
☐ Obavezni (po zakonu)	4.
☐ Timski / Mješoviti	5.

LAZ INSPEKCIJSKOG NADZORA:

Subjekat nadzora je postupio po rješenju br.: 18-24-02357/17 od 30.03.2017. godine. Subjekat nadzora u momentu kontrole prikazuje:

knjigu evidencije pasa iz koje je moguće vidjeti datum prijema životinje, lokacija pronalaska, zdravstveno stanje psa u momentu prijema, opis životinje, broj mikročipa, broj markice, vakcina i antiparazitik, podaci o liječenju i veterinar koji je proveo liječenje. Knjiga je ažurirana zaključno sa rednim brojem 181. i datumom zadnjeg unosa 08.05.2017. godine. Knjige evidencija o udomljavanju, eutanaziji, kastraciji ili sterilizaciji, i mikročipovanju prate knjigu evidencije pasa i ažurirane su zaključno sa datumom 08.05.2017. godine

U momentu kontrole unutar kruga skloništa su zatečeni psi koji se slobodno kreću ali su u skladu sa veterinarsko-zdravstvenim redom u pratnji osoblja skloništa.

Prilikom kontrole u objektu je zatečeno 7 (sedam) pasa koji su smješteni u izolaciju i ne dolaze u kontakt sa ostalim psima u skloništu dok ne istekne propisani rok za držanje pasa u izolaciji.

Subjekat nadzora je obavio laboratorijsku pretragu bunarske vode koja se koristi u objektu. Obrazac rezultata analize vode nije bio u trenutku kontrole unutar skloništa jer se nalazi u sjedištu preduzeća. Laboratorijska analiza vode pokazala je da voda iz bunara nije za upotrebu.

Voda unutar objekta ne koristi se iz bunara nakon laboratorijske analize nego je instalirana cisterna za vodu u krugu skloništa. Voda se dovozi po potrebi pokretnom cisternom a osoblje objekta koristi flaširanu vodu. Prisutni upravnik skloništa obavezao se da će tražene rezultate analize dostaviti u prostorije inspekcije i to 12.05.2017. do 16:00 sati.

Također, prisutni upravnik se obavezao da će o sadržaju zapisnika obavijestiti odgovorno lice. Odgovorno lice dužno je eventualne primjedbe na sadržaj zapisnika dostaviti na adresu veterinarske inspekcije u roku od 2 (dva) dana od prijema informacije.

Zapisnik je pročitao i na isti nema primjedbi.

PRIMJEDBE:

Potpis davaoca primjedbe:

Potpis stranke

KARIĆ DAMON

Potpis prisutnih

1. *Kavar Iliod*
2. *[Signature]*
3. *[Signature]*
4. *[Signature]*
5. *[Signature]*

M.P.

Potpis inspektora

[Signature]

Emir Music

Kantonalni veterinarski inspektor

STRANKA ODBIJA DA POTPIŠE ZAPISNIK IZ RAZLOGA:

Inspekcijski nadzor je završen dana 11.5.2017 godine u 13:55 sati.

Zapisnik je sastavljen u 3 primjerka od kojih je jedan uručen stranci lično.